

Ma ni a matu Chyum Laika
Kumhpa

Shawng
Ningnan Na
Easter



Ka Lajang ai: Edward Hughes

Sumla Sama ai: Janie Forest
Alastair Paterson

Hkrang Jahtuk ai: Lyn Doerksen

Ga Gale ai: Doi Mai Bashi

Galaw Shapraw ai: Bible for Children
www.M1914.org

©2020 Bible for Children, Inc.

Ahkaw Ahkang: Ndai maumwi hpe, hpaga hku n dut ai sha,
ginlen la, (snr) dip shapraw la mai ai.



Masha garu kachyi
nga ai kawng ntsa e,
Numsha Langai tsap
nga ai; Yawn madai ai
myi hte, hkrit hpa
mabyin hpe yu nga
ai. Shi a kasha, si
maw sai. Kanu gaw,
Mari rai nna, Yesu
hpe jen da ai
wudang makau
e tsap nga ai.





Dai gaw gara hku byin
ai rai? Yesu a tsawm
htap ai prat a jahtum
gaw, hpa majaw n kaja
ai rai ta? Karai
Kasang gaw
hpa majaw
Shi a Kasha
hpe, wudang

hta si shangu ai kun?
Yesu gaw mara galaw
ai wa rai kun? Karai
Kasang, sum mai ai i?





N rai! Karai Kasang n
sum nga ai. Yesu mung
hpa mara n galaw wa
ai. Yesu gaw, Shi hpe
n hkru ai ni sat kau na
hpe, Shi chye wu ai.
Yesu naw kaji ai ten
hta, Simun gaw Mari
hpe, yawn hkyen ai lam
byin wa na hpe, tau
hkrau tsun da sai.




Yesu n si
shi ai nhtoi
ni hta, numsha
langai mi sa wa
nna Yesu a lagaw hta
grai hawm ai Mura sau
hte ru bun wu ai. "Shi
gaw gumhpraw hpe
lapawt lama di kau wu
ai," ngu nna sape ni tsun
ma ai. "Shi gaw kaja ai hku galaw
nu ai," ngu Yesu tsun ai. "Shi gaw
ngai hpe lup makoi na matu lajang
ai rai nga ai." Kade mauhpa re ai ga rai ta!




Dai hpang, Yesu a sape
langai re ai Yuda Iskarut
gaw, hkinjawng agyi ni hta,
gumhpraw lap 30 la nna
Yesu hpe gumle na matu
myit hkrum wu ai.





Yuda ni a Shalai wa ai poi hta,
Yesu hte sape ni gaw, jahtum na
shana shat sha wu ai. Yesu gaw
Karai Kasang a mauhpa lam ni hte
Shi hpe tsawra ai ni a ntsa na ga
sadi a lam ni hpe tsun dan wau ai.
Yesu gaw sape ni hpe muk hte
gawm garan ya wu ai. Dai gaw,
yubak hpe raw dat kau
ai Yesu a hkum
hte sai rai nga
ai hpe, myit
dum na matu
rai nga ai.



Yesu gaw; Sape ni Shi hpe nyet kau na lam, Shi kaw na hprawng mat na lam tsun wu ai. "Ngai gaw galoi mung n hprawng na ga ai," ngu Petru htan wu ai. "U garai n goi yang, nang ngai hpe masum lang nyet kau na rin dai," ngu Yesu bai tsun wu ai.





Dai hpang Yesu gaw
Getsemane sun de
akyu hpyi na sa wa ai.
Shi hte rau rai nga ai
Sape ni chyawm gaw
yup pyaw nga ai. Yesu
gaw "Wa e, ndai gawm
hpe ngai kaw na shalai
kau lu yang gaw,
shalai kau ya e;
raitim, nye a myit n
rai, na a myit she rai
u ga," ngu hpyi wu ai.



Yuda woi awn ai masha wuhpung gaw akajawng sha,
dai sun de du wa ai. Yesu gaw ninghkap ai lam n
galaw ai. Raitim, Petru gaw nhtu hte masha
langai a ana hpe kahtam di kau ya ai.
Shaloi, dai wa a ana hpe Yesu
ahtawk shamai ya wu ai.
Ndai zawn rim hkrum ai
gaw, Karai Kasang a myit
ra ai lam re hpe Yesu
chye wu ai.



Dai wuhpung gaw Yesu hpe Hkrinjawng agyi a nta de
woi mat ai. Dai hta, Yesu gaw si gring ai wa re hpe,
Yuda ni a ningbaw wa
tsun ai. Petru mung
dai shara na wan
mang makau e
sa dung wu ai.




Masha ni gaw Petru hpe, "Nang mung Yesu hte rau rai nga ai!" ngu nna masum lang ting tsun wu ai.

Petru gaw masum lang ting ndang kau wu ai sha nga, dagam nna matsa mawa tsun wu ai.




Aw-i-i-Aut



Shaloi jang, u goi wu ai.
Dai gaw Karai Kasang a
nsen zawn rai nga ai.
Yesu tsun da ai ga hpe
Petru dum wu ai majaw,
ja ja hkrap wu ai.





Yuda gaw myit malai lu
wu ai. Shi gaw Yesu mara
n lu ai hpe shi chye ai. Dai
majaw, Yuda gaw gumhpraw
lap 30 hpe bai ya kau wu ai
raitim, Hkinjawng agyi ni n
hkap la ma ai.





Yuda gaw dai
gumhpraw hpe
kabai tawn da
nhtawm; shi hkum
shi, dau si mat ai.





Hkinjawng ni gaw Yesu hpe
Roma hkawhkam, Pilat hpang de
woi sa wu ai. Pilat chyawm gaw,
“ndai wa hta hpa mara mung
ngai n mu we ai,” ngu
wu ai. Raitim, masha
wunawng gaw, “Dai wa
hpe wudang hta jen d
a u! Jen da u!” ngu


marawn wu ai.



Jahtum e Pilat asum jaw nna,
Yesu hpe wudang hta sat kau na
matu dawdan ya nu ai. Hpyenla
ni gaw Yesu hpe, mayen mahtaw,
anu kayat, asawng asang di mu ai.
Shanhte gaw Ju lagup hkri nhtawm,
Shi a baw hta shagup ya mu ai. Dai
hpang, hpyi hte Shi hpe wudang hta
adit nna jen da wu ai.



Yesu gaw, Shi ndai zawn si na hpe galoi mung chye nga ai. Shi a si hkam ai lam gaw; Shi hpe kamsham ai ni a yubak mara hpe raw dat kau ya na re hpe, shi chye nga ai. Yesu a makau e, yubak lu ai masha lahkawng hpe mung jen da wu ai. Dai hta na, langai mi gaw Yesu hpe kamsham ai majaw, Hparadisu de du mat wu ai. Kaga langai mi gaw n du wu ai.



Aten na na tsin-yam hkrum ngut ai
hpang, Yesu gaw, "Amu ngut
sai," ngu tsun nna si mat
wu ai. Shi a bungli
gaw ngut masai re.
Manang ni gaw lup
hta e shi hpe lup
makoi wu ai.



Roma hpyenla ni
gaw dai lup hpe
sin nga ma ai.
Kadai mung dai
lup de n shang lu
ai - n pru lu ai.



Ndai lam gaw mabyin a jahtum
she rai yang gaw, kadai she
myit n pyaw hpa wa.
Raitim Karai Kasang
gaw mauhpa amu
lama mi hpe galaw
dat ai; Yesu gaw
sha n si nga sai.




Bat mi a shawng shani na jahpawt
jau jau aten hta; lup chyinghka
galau nga ai hpe, Yesu a
sape nkau mi sa mu wu
ai. Shanhte kata de
sa yu ai shaloi, Yesu
gaw dai shara e n
nga sai hpe mu
wu ai.



Numsha langai mi, dai lup makau e hkrap nga ai. Yesu, shi hpe shadan dan wu ai! Dai numsha gaw kaga sape ni hpe tsun da na matu, grai pyaw let kagat wa wu ai. "YESU HKRUNG RAWT SAI! YESU GAW SI AI KAW NA BAI HKRUNG RAWT

WA SAI!"





Kade n na yang, sape ni hpang de Yesu sa wa
nna, shi a lata na hpyi hkang ni hpe madun
dan wu ai. Ndai gaw tengman nga ai. YESU
GAW KALANG BAI HKUNG NGA SAI! Shi
gaw Petru hpe Shi hpe nyet kau ai a matu,
mara raw ya ai. Shi a lam, masha shagu hpe
tsun dan na matu sape ni hpe tsun wu ai. Dai
hpang, Yesu gaw, Shi sa wa ai Sumsing lamu
de, bai wa mat wu ai.



Shawng Ningnan Na Easter

Karai Kasang a Mungga kaw na Maumwi,
Chyum laika,

hta mu lu ai

Mahte 26-28, Luka 22-24,
Yawhan 13-21

"Na a Mungga chyinghka lam gaw nhtoi jaw
nga ai." Shakawn Kungdawn 119:130



Ngut Sai



Chyum maumwi ni gaw, anhte hpe hpan da nna, Shi hpe chye shangun mayu ai Karai Kasang a mauhpa lam ni hpe tsun dan nga ai re.

Karai Kasang gaw, anhte yubak mara tawt lai ai hpe Shi chye wu ai. Yubak a ari gaw si ai re. Raitim Karai Kasang gaw anhte hpe grai tsawra ai majaw, shi a kasha shingtai Yesu hpe, mungkan ga de shangun dat nna, wudang ntsa e si hkam let, anhte a yubak mara a matu, ari hkrum sai re. Madu Yesu gaw kalang bai hkrung rawt nna, Sumsing Lamu de lung mat sai re. Nang madu Yesu hpe kam ai hte, na a yubak mara ni hpe raw dat hkau na matu hpyi nem yang, Shi raw dat kau ya na re. Shi gaw, na a kata e hkrung nga nna, Shi hte rau prat tup lu nga na re.

Ndai lam gaw, kaja nan tengman ai lam re hpe nang kamsham yang, Karai Kasang hpe ndai hku hpyi nem u: Tsawra ai Yesu, Nang gaw, Karai re ai sha n-ga, shinggyim masha hku sa pra nna, anhte a yubak mara a matu si hkam let, kalang bai hkrung rawt wa sai hpe, ngai kamsham ga ai. Chyeju hte, nye a prat de Nang shang let, nye a yubak mara ni hpe rawdat hkau ya rit. Shingrai yang, ngai gaw prat ningnan lu nna, lanimi na ninghtoi hta Nang hte rau, lu nga na re. Na a matsun maroi ga hpe hkan nang chye na hte, Na a kasha langai hku sak hkrung chye na matu ngai hpe karum la et.

Shani shagu Chyum laika hti let, Karai Kasang hte ga shaga u! Yawhan 3:16

